



REPUBLIKA E SHQIPËRISË
KUVENDI

PROJEKTREZOLUTË

**PËR VLERËSIMIN E VEPRIMTARISË SË AUTORITETIT
TË MBIKËQYRJES FINANCIARE PËR VITIN 2018**

Kuvendi i Shqipërisë duke konsideruar:

Objektivat kryesore të AMF-së në lidhje me nxitjen dhe ruajtjen e stabilitetit të sistemit financiar dhe mbikëqyrjen e ligjshmërisë të veprimtarive të subjekteve të mbikëqyrura.

Veprimtarinë në funksion të rritjes së besimit tek pjesëmarrësit e tregut financiar mbrojtjen dhe informimin e konsumatorit në respektim të parimeve të transparencës;

Misionin e Autoritetit në lidhje me krijimin e një tregu bashkëkohor dhe efektiv që ofron shërbime cilësore dhe promovon zhvillimin e mëtejshëm të sektorit financiar jo-bankar në vend.

Ka marrë në shqyrtim veprimtarinë e Autoritetit të Mbikëqyrjes Financiare dhe vlerëson objektivat e AMF në drejtim të:

Hartimit të një plani konkret veprimi dhe punës me përkushtim drejt arritjes së misionit dhe synimeve strategjike si një autoritet mbikëqyrës për tregjet financiare jo-bankare.

Sigurimit të realizimit të strategjisë dhe misionit në përputhje me standardet më të larta profesionale dhe me kosto racionale;

Zbatimit të standardeve më të larta etike në komunikimin dhe bashkëpunimin me grupet e interesit në procesin e mbikëqyrjes për tregjet financiare jo-bankare;

Publikimin sistematik të informacioneve në lidhje me tregun si dhe shërbimet për tregjet financiare jo-bankare të ofruara në Republikën e Shqipërisë;

Hartimin e një plan konkret dhe të posaçëm veprimi lidhur me mirëfunksionimin e Byrosë Shqiptare të Sigurimit dhe problematikën e mbartur të Fondit të Kompensimit, si për sa i përket vlerës së miratuar të Fondit të Kompensimit, ashtu dhe ecurisë së pagesave të kryera nga shoqëritë e sigurimit.

Kuvendi i Shqipërisë, duke vlerësuar maksimalisht punën e bërë gjatë vitit 2018, i kërkon që Autoriteti i Mbikëqyrjes Financiare që për vitin 2019, të angazhohet në këto drejtime:

- Të vijojë kontrolli i përmbylljes së pagesave të prapambetura të Fondit të Kompensimit, dhe monitorimi i zbatimit të vendimeve të Bordit me qëllim frenimin në të ardhmen të fenomenit të akumulimit të borxheve dhe mos-kryerjen pagesave brenda kufijve kohorë

të ngjarjes së ndodhur si dhe monitorimi i vazhdueshëm i veprimtarisë së Byrosë Shqiptare të Sigurimeve;

- Të përdoren vlerësimet e rrezikut, të nxjerra nga inspektimet e bëra në të kaluarën, si bazë krahasimi midis shoqërive pjesëmarrëse në tregun e sigurimeve;
- Çështjet e identifikuara si me rrezik më të lartë duhet të shërbejnë si një orientim për t'u përqendruar në inspektimet e ardhshme;
- Të analizohet niveli i rrezikut që paraqesin siguruesit dhe elementë të tjerë si madhësia e tyre dhe në përputhje edhe me manualin e mbikëqyrjes, të vendosen prioritetet për alokimin e kapaciteteve mbikëqyrëse dhe për inspektimet e mëtejshme;
- Të bëhet ndjekja e rekomandimeve të lëna pas inspektimeve dhe sigurimi i korigjimit të tyre në një periudhë të shkurtër kohe, në përmbushje të dispozitave ligjore në fuqi, me qëllim mbrojtjen sa më të mirë të konsumatorit;
- Tregjet që mbikëqyren nga AMF duhet të fokusohen më shumë në drejtim të rritjes së besimit të konsumatorit dhe përmirësimit të shërbimit në tërësi dhe në funksion të kësaj është e nevojshme hartimi i një strategjie kombëtare për edukimin financiar të popullatës;
- Të kryhen inspektimet në vend, pranë të gjithë subjekteve tregtare që ushtrojnë veprimtari si depozitarë të fondeve të pensionit dhe fondeve të investimit, me qëllim edhe verifikimin e procedurave të ndjekura për informimin e mjaftueshëm të depozitarëve në lidhje me kontratën dhe marrëdhënien juridike në të cilën ata po investojnë;
- Në kuadër të rritjes dhe forcimit të njohurive mbi tregjet nën mbikëqyrje të AMF-së, të standardizohen procedura të qarta dhe transparente monitorimi për shoqëritë që veprojnë në tregjet nën mbikëqyrje për sa i përket sjelljes së tyre ndaj konsumatorit dhe organizmi i aktiviteteve me target moshat e reja dhe studentët;
- Të punohet për thithjen dhe punësimin e specialistëve me eksperiencë në fushën Financiare si dhe rritjen e kapaciteteve të stafit ekzistues. Veprimtaritë jashtë vendit, të kenë në fokus përmirësimin e aftësive për menaxhimin e skenarëve të krizave të tregjeve nën mbikëqyrje dhe marrëveshjen dypalëshe të synojnë shkëmbimin e eksperiencave dhe trajnim në me institucionet homologe;
- Të fillojë puna për krijimin e një sistemi të ri raportimi për tregun e kapitaleve dhe pensioneve, i cili të bëjë të mundur evidentimin on-line të ankesave të brendshme dhe gjurmimin e tyre për ofrim sa më cilësor të shërbimit dhe ky mekanizëm të synohet të shtohet edhe në sistemin aktual të tregut të sigurimeve sa i takon policave të sigurimit;

- Të fillojë puna për hartimin e një dokumenti fillestar, i cili të shërbejë si orientim dhe prezantim, për nisjen e hartimit të nismave ligjore në lidhje me zgjerimin e skemës së pensioneve private dhe rregullimin ligjor të mënyrës së organizimit të kolonës së dytë të pensioneve private. Materiali të paraqesë, pa u limituar, analizën e plotë të rrisqeve dhe anëve pozitive për sa i takon kapaciteteve financiare që AMF beson se janë ende të lira e që parashikohet se do angazhohen në skemat e pensioneve private;
- Të evidentohen problematikat e deritanishme dhe të analizohet perspektiva pesë-vjeçare e tregut të titujve, duke përfshirë bërjen e projeksioneve mbi këtë treg dhe analizën e plotë të rrisqeve dhe anëve pozitive për sa i takon kapaciteteve financiare që AMF beson se mund të parashikohen se do angazhohen në tregun e titujve.
- Të vazhdojë përmirësimin e sistemit të shitjes online dhe të shikojë mundësinë në bashkëpunim me tregun për një sistem të ri të integruar dhe në kohë reale për të gjitha produktet e sigurimit, duke përfshirë edhe produktet vullnetare, si dhe raportimin e dëmeve dhe çdo raportim tjetër që i shërben mirëfunksionimit të tregut duke marrë praktikën më të mira ndërkombëtare.